



CONVENIO ENTRE A XUNTA DE GALICIA, A TRAVÉS DA CONSELLERÍA DO MAR, E A ASOCIACIÓN DE MARISCADORES FONTE DE SANTA HELENA DE BALDAIO, MEDIANTE O QUE SE CANALIZA UNHA SUBVENCIÓN DE CONCESIÓN DIRECTA E PREVISTA NOMINATIVAMENTE NA VIXENTE LEI DE ORZAMENTOS PARA O ACONDICIONAMENTO E MELLORA DA CASETA DOS MARISCADORES DE BALDAIO, DURANTE O ANO 2024

En Santiago de Compostela, na data da sinatura electrónica

DUNHA PARTE: Marta Villaverde Acuña, en calidade de directora xeral de Desenvolvemento Pesqueiro (NIF S1511001H), nomeada por Decreto 123/2024, do 29 de abril (DOG núm. 85 do 30.04.2024), en virtude das facultades conferidas polo artigo 8 da Orde do 21 de febreiro de 2022 sobre delegación de competencias en diversos órganos da dirección da Consellería do Mar e na Presidencia da entidade pública empresarial Portos de Galicia.

DOUTRA PARTE: Alberto Sánchez Rama (DNI 79329026W), en representación da Asociación de Mariscadores Fonte de Santa Helena de Baldaio (NIF G15495997), en virtude do disposto no artigo 27 dos estatutos inscritos no Rexistro de asociacións empresariais e organizacións sindicais co número Central de Asociacións da Xunta de Galicia co número 2008-15-1-568 e do acordo adoptado pola Xunta Directiva na súa sesión do 15 de setembro de 2022.

Ambas partes, respectivamente, recoñécense capacidade e competencia para formalizar o presente convenio, séndolle de aplicación a Lei 9/2007, do 13 de xuño, de subvencións de Galicia (en diante, LSG), o Regulamento da Lei 9/2007, do 13 de xuño, de subvencións de Galicia, aprobado por Decreto 11/2009, do 8 de xaneiro (en diante, RSG), e demais normas que se detallan no clausulado do mesmo.

ANTECEDENTES ADMINISTRATIVOS

PRIMEIRO.- Na Lei 9/2023, do 28 de decembro, de orzamentos xerais da Comunidade Autónoma de Galicia para o ano 2024, figura unha subvención de concesión directa a favor da Asociación de Mariscadores Fonte de Santa Helena de Baldaio, por un importe de 35.500,00 euros na aplicación orzamentaria

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal





15.03.514A.781.2 (proxecto 2016 00257). existindo crédito axeitado e suficiente para atender as obrigas que derivan da subvención.

SEGUNDO.- A Consellería do Mar, ao abeiro do disposto no artigo 37.2 do RSG, acordou o inicio da tramitación deste convenio con data do 5 de xuño de 2024.

TERCEIRO.- A Consellería do Mar, con data do 25 de xuño de 2024 aprobou a autorización do gasto a favor da Asociación de Mariscadores Fonte de Santa Helena de Baldaio, por un importe de 35.500,00 euros na aplicación orzamentaria 46.03.514A.781.2 (proxecto 2016 00257) despois da modificación da sección orzamentaria pola reestruturación das consellerías.

CLÁUSULAS

PRIMEIRA.- OBXECTO E ACTUACIÓNS

O obxecto do presente convenio é canalizar a subvención prevista nominativamente na Lei 9/2023, do 28 de decembro, de orzamentos xerais da Comunidade Autónoma de Galicia para o ano 2024, a favor da Asociación de Mariscadores Fonte de Santa Helena de Baldaio, por un importe de 35.500,00 euros na aplicación orzamentaria 15.03.514A.781.2 (proxecto 2016 00257), co fin de financiar as actuacións previstas ata o 30 de novembro de 2024, para o acondicionamento e mellora da caseta dos mariscadores de Baldaio, consistentes na actuación no tellado e a instalación de placas fotovoltaicas e acumuladores.

As actuacións que se financian no 2024 e para as cales a asociación debe contar coas autorizacións, permisos ou licencias para levalas a cabo, son entre outras as seguintes:

- Actuación no tellado da caseta dos mariscadores de Baldaio, consistente na retirada do tellado antigo e colocación de panel sándwich.
- Colocación de novas estruturas necesarias para a instalación dun novo equipo fotovoltaico.
- Instalación de 12 novos paneis solares, inversor cargador e acumulador.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal



Orzamento das actuacións subvencionadas:

CONCEPTO SUBVENCIONADO	ORZAMENTO (IVE INCLUÍDO)
Actuación no tellado vello: - Reposición de estruturas danadas: Rastreles, taboleiros hidrófugos e táboas machimbradas. - Colocación de 35 m ² de pranchas asfálticas. - Retirada de zócalo da caseta e colocación de novo. - Reparación das bases dos piares.	10.550,00 €
Colocación de paneis fotovoltaicos e acumuladores: - 12 placas solares. - Inversor-cargador. -Acumulador	23.262,39 €
- Gastos imprevistos	1.687,61 €
Totais	35.500,00 €

SEGUNDA.- OBRIGAS E COMPROMISOS ECONÓMICOS

A Consellería do Mar subvencionará as obrigas que se deriven das actuacións do presente convenio ata un importe máximo de 35.500,00€ euros, con cargo a aplicación orzamentaria 46.03.514A.781.2 (proxecto 2016 00257) do exercicio orzamentario de 2024.

A Asociación de Mariscadores Fonte de Santa Helena de Baldaio asume as obrigas recollidas para os beneficiarios das subvencións no artigo 11 da LSG, así como as seguintes:

- Dedicar integramente o importe da subvención á realización das actividades sinaladas na cláusula primeira.
- Realizar o seguimento das accións anteriormente descritas.
- Pór en coñecemento da consellería calquera incidencia que afecte á realización ou desenvolvemento posterior das actuacións efectuadas, proporcionando toda canta información lle sexa requirida.
- Dar cumprimento ao disposto no artigo 27 da LSG, relativo á subcontratación das actividades subvencionadas polos beneficiarios. A estes efectos, non se establece un límite para subcontratar.
- Dar cumprimento ao disposto no artigo 29.3 da LSG, relativo á solicitude de tres ofertas, como mínimo, con carácter previo á contratación de compromisos con provedores, salvo que non exista no mercado suficiente número de entidades que as realicen, presten ou subministren.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal





- Prestar colaboración e facilitar toda a información que lle sexa requirida, no exercicio das súas funcións de fiscalización e control do destino das subvencións, pola Intervención Xeral da Comunidade Autónoma, polo Tribunal de Contas e polo Consello de Contas.
- Manifestar expresamente o consentimento a que os datos que obran en poder das administracións públicas, sexan consultados directamente pola administración, de conformidade co disposto no parágrafo 2 do artigo 28 da Lei 39/2015, do 1 de outubro, do Procedemento Administrativo Común das Administracións Públicas, e no artigo 10.2 do RSG.
- Subministrar toda a información necesaria á administración en virtude das obrigas previstas para as persoas xurídicas beneficiarias de subvencións, conforme co disposto na Lei 1/2016, do 18 de xaneiro, de transparencia e bo goberno, e na Lei 19/2013, do 9 de decembro, de transparencia, acceso á información pública e bo goberno.

TERCEIRA.- RÉXIME DE COMPATIBILIDADE

Será compatible a percepción doutras subvencións, axudas, ingresos ou recursos para a mesma finalidade que a do presente convenio, procedentes de calquera administración ou entes públicos ou privados, estatais, da Unión Europea ou de organismos internacionais.

O importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo das actividades subvencionadas.

CUARTA.- GASTOS SUBVENCIONABLES

Consideraranse gastos subvencionables aqueles que de xeito indubidable respondan á natureza da actividade subvencionada, e fosen realizados e pagados entre o 1 de xaneiro e o 30 de novembro de 2024.

Os tributos consideraranse gasto subvencionable cando a Asociación de Mariscadores Fonte de Santa Helena de Baldaio os abone efectivamente. En ningún caso, se consideraran gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Os custos indirectos formarán parte da xustificacións da subvención, se se imputan polo Asociación de Mariscadores Fonte de Santa Helena de Baldaio ás actividades subvencionadas, na medida en que tales custos correspondan ao período en que se realiza a actividade.

Os gastos subvencionables respectarán as regras contidas no artigo 29 da LSG.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal





QUINTA.- PRAZOS E FORMA DE XUSTIFICACIÓN DA SUBVENCIÓN E APLICACIÓN DOS FONDOS

O prazo límite para a xustificación dos gastos subvencionables será o 10 de decembro de 2024.

A xustificación do cumprimento das condicións impostas e da consecución dos obxectivos previstos, documentarase mediante a forma de conta xustificativa do gasto realizado, conforme co disposto no artigo 48 do RSG.

SEXTA.- PRAZOS E MODOS DE PAGO DA SUBVENCIÓN

O pago da subvención realizarase previa xustificación polo beneficiario, da realización da actividade para a cal se concedeu, e pola contía da subvención efectivamente xustificada.

O órgano concedente realizará as comprobacións pertinentes e incluírá no expediente un certificado acreditativo da verificación realizada.

A Asociación poderá solicitar pagamentos anticipados de ata o 50% do importe da subvención concedida, de acordo con disposto no artigo 63.1.2 do Regulamento de subvencións de Galicia.

En caso de que a Asociación solicite pagamentos anticipados deberá presentar unha memoria xustificativa e económica na que se recollan as actuacións que ten previsto realizar co custo das actividades.

A Asociación tamén poderá solicitar pagos a conta, artigo 62 do Regulamento de Subvenciones de Galicia, que responderán ao ritmo de execución das actividades subvencionadas aboándose pola contía equivalente a xustificación presentada.

O importe conxunto dos pagos a conta e dos pagos anticipados que se concedan non poderá exceder do 80 %.

El artículo 65.1 del Regulamento de subvencións de Galicia establece que os beneficiarios están obrigados á constitución de garantías cando se preveña a posibilidade de realizar pagamentos a conta ou anticipados; o apartado 4.i) de dito artigo exonera da constitución de garantía aos beneficiarios das subvencións concedidas cando os pagamentos non superen os 18.000 €.

Non poderá realizarse o pago da subvención en tanto o beneficiario non se atope ao corrente no cumprimento das súas obrigas tributarias e fronte á Seguridade Social e non teña pendente de pago ningunha outra débeda coa Administración pública da Comunidade Autónoma ou sexa debedor por resolución de procedencia de reintegro.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal



SÉTIMA.- REINTEGRO, INCUMPRIMENTO DAS OBRIGAS E COMPROMISOS

Nos supostos previstos nos artigos 32 e 33 da LSG, procederá o reintegro das cantidades percibidas e a esixencia do interese de demora correspondente dende o momento do pago da subvención e ata a data na que se acorde a procedencia do reintegro.

O procedemento de reintegro será o previsto no Capítulo II do Título II da LSG.

O incumprimento das obrigas e compromisos asumidos polo beneficiario, que sexan constitutivos de infraccións e sancións administrativas en materia de subvencións, tramitaranse conforme co disposto no Título IV da LSG.

Por outra banda, o incumprimento da obriga de subministrar información á administración, dará lugar á aplicación do disposto no Título III da Lei 1/2016, do 18 de xaneiro, de transparencia e bo goberno.

OITAVA.- RÉXIME XURÍDICO APLICABLE

O presente convenio estará suxeito á LSG e ao RSG, e aos preceptos básicos contidos na Lei 38/2003, do 17 de novembro, Xeral de Subvencións, e no Regulamento da Lei 38/2003, do 17 de novembro, Xeral de Subvencións, aprobado por Real Decreto 887/2006, do 21 de xullo.

En relación coas obrigas de publicidade e transparencia, resultaranlle aplicables a Lei 1/2016, do 18 de xaneiro, de transparencia e bo goberno, e a Lei 19/2013, do 9 de decembro, de transparencia, acceso á información pública e bo goberno.

Subsidiariamente aplicaranse as restantes normas de dereito administrativo e, no seu defecto, as normas de dereito privado.

NOVENA.- PUBLICIDADE E REXISTRO DO CONVENIO

As partes asinantes deberán cumprir coas obrigas derivadas da entrada en vigor da Lei 1/2016, de 18 de xaneiro, de transparencia e bo goberno. Para tal fin, as partes aceptan que o texto do convenio se publique no Portal de Transparencia e Goberno Aberto da Xunta de Galicia incluíndo os datos identificativos das persoas asinantes.

Así mesmo, a Asociación acepta e consinte a remisión do convenio, despois de súa sinatura, ao Rexistro de Convenios da Xunta de Galicia.

De acordo co establecido no artigo 30 de la Lei estatal 15/2014, do 16 de setembro , de racionalización do sector público e outras medidas de reforma administrativa,

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal



que introduciu diversas modificacións na Lei 38/2003, de 17 de novembro, xeral de subvencións, o contido deste convenio será publicado na Base de Datos Nacional de Subvencións, nos termos recollidos no artigo 20 da Lei 38/2003, de 17 de novembro, xeral de subvencións, modificado polo artigo 30 da Lei estatal 15/2014, de 16 de setembro, de racionalización do sector público e outras medidas de reforma administrativa.

Así mesmo, será obxecto de publicidade no Rexistro de Axudas, Subvencións e Convenios, ao abeiro do disposto no decreto 126/2006, de 20 de xullo e no decreto 132/2006, de 27 de xullo.

DÉCIMA- PROTECCIÓN DE DATOS DE CARÁCTER PERSOAL E GARANTÍA DOS DEREITOS DIXITAIS

As partes asinantes comprométese a cumprir, en todo momento, as disposicións contidas na normativa básica estatal e autonómica que xustifica a lexitimidade do tratamento dos datos persoais e dereitos dixitais.

Na aplicación deste convenio respectaranse cantas esixencias establece o Regulamento (UE) 2016/679 xeral de protección de datos e a Lei orgánica 3/2018, do 5 de decembro (BOE 06/12/2018) de protección de datos persoais e garantía dos dereitos dixitais, adoptando cantas medidas resulten necesarias para cumprir as súas previsións e, en particular, para garantir a seguridade e integridade dos datos persoais e dos dereitos dixitais e, a súa protección fronte alteracións, perdas, tratamentos ou accesos non autorizados.

Serán de aplicación todos os dereitos e deberes derivados da normativa aplicable en materia de protección de datos e garantía dos dereitos dixitais.

DÉCIMA PRIMEIRA.- PUBLICIDADE DA SUBVENCIÓN CONCEDIDA

O beneficiario deberá dar a axeitada publicidade do carácter público da financiación de programas, actividades, inversións ou actuacións de calquera tipo que sexan obxecto da subvención.

A publicidade consistirá na inclusión da imaxe institucional da Xunta de Galicia, regulada no Decreto 112/2021, do 22 de xullo, polo que se aproba o uso dos elementos básicos da identidade corporativa da Xunta de Galicia, así como lendas relativas á financiación pública en carteis, placas conmemorativas, materiais impresos, medios electrónicos ou audiovisuais, ou ben en mencións realizadas en medios de comunicación.

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdeseenvolvimento@xunta.gal



DÉCIMA SEGUNDA.- MECANISMOS DE SEGUIMIENTO, VIXILANCIA E CONTROL

O seguimento, vixilancia e control do establecido no presente convenio realizarase por unha comisión de seguimento formada por:

- A directora xeral de Desenvolvemento Pesqueiro ou persoa en quen delegue, que será a Presidenta.
- O xefe do servizo de Desenvolvemento Pesqueiro, que será o secretario.
- O presidente da Asociación de Mariscadores Fonte de Santa Helena de Baldaio ou persoa en que delegue.
- O/A secretario/a da Asociación de Mariscadores Fonte de Santa Helena de Baldaio.

Esta comisión será competente para resolver as controversias que poidan xurdir con respecto á interpretación e cumprimento do convenio.

DÉCIMA TERCEIRA.- PRAZO DE VIXENCIA, PRÓRROGA E MODIFICACIÓNS

O presente convenio estará vixente dende o día seguinte ao da súa sinatura e ata o 20 de decembro de 2024.

Non se prevé a posibilidade de prórroga ou modificación do convenio.

O Conselleiro
P.D. Orde do 21.02.2022 (DOG núm. 41
do 01.03.2022)

A directora xeral de Desenvolvemento
Pesqueiro

Marta Villaverde Acuña

Asociación de Mariscadores Fonte
de Santa Helena de Baldaio

Alberto Sánchez Rama

DIRECCIÓN XERAL DE DESENVOLVEMENTO PESQUEIRO

Rúa dos Irmandiños, s/n- Salgueiriños
15781 Santiago de Compostela
T. 981 546 176
cma.dxdesevolvemento@xunta.gal

